

Naqqiut

Taarserpaa siunnersuut 2. marts 2016-imeersoq

Ilanngussaq 1-im, Atomip nukinganik atortussianik sorsunnerunngitsumut atuinermik nakkutilliineq pillugu Kalaallit Nunaannut inatsisissatut siunnersummut oqaaseqaateqarnissaq pillugu Inatsisartut aalajangiiffigisassaattut siunnersummi naqqiissuteqartoqarpoq. Naqqiissutit

Justitsministereqarfiup (Inatsisinik atuutsitsinermik Ministereqarfiup) inaarutaasumik inatsisiliornermi teknikkikkut misissuinerata nassatarisaanik inatsisiliornermi teknikkimut oqaatsinullu atukanut tunngasuupput. DIIS-imit tusarniaanermut akissut tunngavigalugu imm. 5.4-mut nalinginnarmik oqaaseqaatini allagaasoq erseqqissaavavigisatut aalajangersagaaneruvoq. Kiisalu aalajangiiffigisassatut siunnersummi kalaallisut taaguutigisaq iluarsineqarpoq.

Matumuuna Inatsisartut Suleriaasianni § 33 malillugu Naalakkersuisut aalajangiussassatut siunnersuut manna saqqummiuppaat:

**Atomip nukinganik atortussianik sorsunnerunngitsumut atuinermik nakkutilliineq pillugu
Kalaallit Nunaannut inatsisissatut siunnersummut oqaaseqaateqarnissaq pillugu**

Inatsisartut aalajangiiffigisassaattut siunnersuut

(Inuussutissarsiornermut, Suliffeqarnermut, Niuernermut Nunanullu allanut Naalakkersuisoq)

Tunngavilersuut

Aalajangiiffigisassatut siunnersuut tassaavoq Atomip nukinganik atortussianik sorsunnerunngitsumut atuinermik nakkutilliineq pillugu Kalaallit Nunaannut inatsisissatut siunnersummut Namminersorlutik Oqartussat oqaaseqaatigisaat.

Inatsisissatut siunnersuut tassaavoq danskit-kalaallit Uranimik piaallunilu annissuineq pillugu Nalunaarusiaanni 2013-im oktobarimeersumi inassuteqaatinik malitsigisitaq.

Inatsisissatut siunnersuut aamma immikkut ittutut nunanut allanut, illersornissamut sillimaniarnermillu politikkikkut pissutsinut tunngatillugu naalagaaffiup aamma Naalakkersuisut akornanni suleqatigiinnissamik isumaqatigiisummik, aamma Atomip nukinganik atortussianik sillimaniarnermik nakkutilliineq pillugu ataatsimoorussatut Nalunaarummik tunngaveqarpoq. Sillimaniarnermik nakkutilliineq pillugu ataatsimoorussatut Nalunaarut inatsisissatut siunnersummut ilanngussatut ilaliunneqarpoq. Sillimaniarnermik nakkutilliineq pillugu ataatsimoorussatut Nalunaarut Danmarkip aamma Kalaallit Nunaata akornanni piviusutut sulianik agguaaqatigiinnissamik, aammalu sillimaniarnermik nakkutilliinermut pisussaaffiit naapertuutsinniarlugit suliassanik isumagineqartussanik nassuiaavoq.

Sakkunik atomitalinnik siammarterinnginnissaq pillugu Isumaqtigiisummit (Traktaten om ikke-spredning af kernevåben (NPT)) aamma Kunngeqarfik Danmarkip aamma IAEA-p akornanni ilassutitut Protokolimit malitseqartunik nunat tamalaani sillimaniarnermik nakkutilliinissamik pisussaaffiit assingi Danmarkip aamma Kalaallit Nunaata atugassaraat. Sillimaniarnermik nakkutilliineq tassaavoq atomip nukinganik atortussiat aamma ingerlatsiviit siunertanut sorsunnerunngitsuinnarnut tunngasunut atorneqarnissaannut isumaqtigiisutini tunngasutigut pisussaaffinnik naapertuutsitsinerup qularnaarnissaannut atukkanut teknikkikkut isumagineqartunut il.il. taaguutigisinneqartoq. Danmarkimut tamanna Euratomimi ilaasortaankut, aammalu Euratomip iluani sillimaniarnermik nakkutilliinermik atuineq pillugu EU-mi Peqqussut (Euratom) Nr. 302/2005-ikkut pisarpoq. Kalaallit Nunaat Euratomimi ilaasortaangilaq, aammalu Euratomimi isumaqtigiisut Kalaallit Nunaannut atuuttuunngilaq, takuuk Euratomimi isumaqtigiisummi artikkel 198, litra a.

Inatsisissatut siunnersuut piviusutigut sillimaniarnermik nakkutilliineq pillugu malittarisassianik piviusunngortitsissaq, taakku assigissallugit Danmarkimi inatsisigineqartutut sillimaniarnermik nakkutilliinermik EU-mi inatsisaasuni pingaaruteqartutut ilaasut (Euratomip iluani sillimaniarnermik nakkutilliinermik atuineq pillugu Kommissionip peqqussutaa (Euratom) nr. 302/2005, 8. februar 2005-imeersoq (kingornatigut Euratomimi peqqussut 302/2005)).

Inatsisissatut siunnersuutip imarisai

Inatsisissatut siunnersuut pingarernik marlunnik imaqarpoq; atomip nukinganik atortussiat siunertanut sorsunnerunngitsunut atorneqarnissaasa qulakteernissaat, aammalu Kunngeqarfip Danmarkip nunat tamalaani sillimaniarnermik nakkutilliinermik pisussaaffimminik naapertuutsitsinerata qulakteernissaa.

Inatsisissatut siunnersuutip IAEA-mut nalunaaruteqartarnissamut piumasaqaatinik naapertuutsitsisinnaasussani pisariaqartitatut sularisassanik nakkutilliinernillu suliaqartoqassanera piviusutigut qulakkiissavaa.

Pingaartumik tassaapput atomip nukinganik naatsorsuuseriffiliornissaq pillugu IAEA-mi piumasaqaat, aamma Kalaallit Nunaanni IAEA-mit misissuartortarnerit pillugit malittarisassiat, takukkit IAEA-lu Kunngeqarfip Danmarkip sillimaniarnermik nakkutilliinermut isumaqtigiisutaani pisussaaffiliissutit.

Pingaarnersiuilluni tassaassapput atomip nukinganik atortussiat annertussusaat, katitigaanerat atorneqarnerallu pillugit paassisutissanut tunngasut, assigissavaallu Euratomimi peqqussut 302/2005-imi takuneqarsinnaasutut naatsorsuinermut nakkutilliinermullu pisussaaffiit il.il.

Inatsisissatut siunnersuummiipput nunatsinni pisortanit, naalagaaffimmi oqartussaasoqarfimmit aamma IAEA-mit misissuisartunut sumiiffinnut atortussianullu Kalaallit Nunaanni sillimaniarnermik nakkutilliisoqarfiusussanut aqutissiuisarnermut aalajangersakkat.

Intasisissatut siunnersuummi § 10-mi aalajangersakkami aamma siunnersuutaavoq atomip nukinganik atortussianik annissuineq naalagaaffimmik tigooraasumik naalagaaffiit akornanni isumaqtigiissummik atiuisoqarsimassaneranik tunngaveqassasoq, tassuuna siunertarineqarluni Kalaallit Nunaanni atomip nukinganik atortussiat piiarneqartut taamaallaat siunertanut sorsunnerunngitsunut atorneqassanerat.

Namminersornermut inatsimmi § 13, imm. 3 naapertorlugu naalagaaffinnik tigooraasunik naalagaaffiit akornanni isumaqtigiissutit atsiorneqartarput. Nassataara isumaqtigiissutit, Danmarkip aamma Kalaallit Nunaata peqatigillutik isumaqtiginninniarnerni peqataaffigisimasaat naalagaaffimmit atsiorneqartassasut, siamasinnerpaamillu Naalakkersuisut peqatigalugit.

Namminersornermut inatsimmut tunngasortat

Namminersornermut inatsit malillugu suliassaqarfiiit tigusat iluanni namminersorlutik oqartussat inatsisiilornermik inatsisinillu atuutsitsinermik pissaaneqarfefeqarput. Aatsitassanik suliassaqarfik Aatsitassat pilligit ingerlatallu tamatumunnga pingaarutillit pilligit Inatsisartut inatsisaat nr. 7, 7. december 2009-meersukkut (aatsitassanut ikummatissanullu inatsit) Namminersorlutik Oqartussat tiguaat.

Aatsitassanut ikummatissanullu inatsit malillugu Kalaallit Nunaanni aatsitassanik misissueqqaarnermut, misssuinermut atuinermullu akuersissutit nalunaarutigineqartarput. Kunngeqarfimmut Danmarkimut qaqugumulluunniit pituttuisunik, aammalu Kalaallit Nunaannik ilaaititaqartunik naalagaaffiit innuttaannut pisussaaffiinut isumaqtigiissutit aamma nunat tamalaani malittarisassiat allat malitsigisaattut pisussaaffinnik naapertuutsitsilluni uranimut akuutissanullu radioaktiviusunut allanut tunngatillugit suliarisat pisassapput.

Taamaalillutik uranimik akuutissanillu radioaktiviusunik allanik atuinerit sillimaniarnermik nakkutilliinerut (safeguardsit), annissuinermik nakkutilliinermut, timalittut qularnaarinermut, kiisalu nunat tamalaani pisussaaffiit pingaarutillit sinnerinut naleqqiullugit Kunngeqarfifiup siammerterinnginnissamik pisussaaffiinut naapertuutsitatut pisassapput.

Inatsisissatut siunnersuut, aamma naalagaaffillu tunngavigisatut isumaqtigiisutaasut namminersornermut inatsit, inatsisaasut allat, imaluunniit nunat tamalaani inatsisaasut malillugit, naalagaaffiit innuttaannut pisussaaffittut isumaqtigiissutit, tamatumalu sinneri ilanggullugit, killilersuinermik imaluunniit piginnaaffeqarfittut pissutsinik allatut allannguutinik nassataqartitsinngillat.

Namminersorlutik Oqartussanut aningaasaqarnikkut kingunerisinnaasat

Inatsisissatut siunnersuutip nassatarisaanik namminersorlutik oqartussanut aningaasartuutit annertusinissaat naatsorsuutigineqanngillat. Oqartussaasutut suliaqarnermi namminersorlutik oqartussanit peqataanermut aningaasartuutit toqqaannartumik atassuteqartut aatsitassanut ikummatissanullu inatsit malillugu akuersissutinut nalunaarutaasunut tunngatillugu pisinnaatitsissummik pigisalinni taarsiissuteqartarnikkut matussuserneqassapput.

Tusarniaaneq

Inatsisissatut siunnersuut tusarniaanermut nittartakkap saniatigut makkununnga sapaatit akunnerini sisamani tusarniaassutitut nassiussorneqarsimavoq:

Aningaasaqarnermut Naalakkersuisoqarfik
Naalakkersuisut Siulittaasuata Naalakkersuisoqarfia
Aatsitassaqarnermut Naalakkersuisoqarfik
Nunanut allanut Pisortaqarfik
Peqqissutsimut Naalakkersuisoqarfik
Nunatsinni Advokatit
SIK
Kalaallit Nunaanni Sulisitsisut Peqatigiiffiat
ICC
KANUKOKA
Transparency Grønland
Kommuneqarfik Sermersooq
Kommune Kujalleq
Qeqqata Kommunia
Qaasuitsup Kommunia

Taakku saniatigut Udenrigsministereqarfíup (Nunanut allanut Ministereqarfíup) inatsisissatut siunnersuut aamma danskit pisortaanni kattuffiinilu tusarniaassutigisissimavaa.

Tusarniaanerit allannguuteqartitsinissamut tunngavissiisimanngillat.

Innersuussut

Tamanna tunngavigalugu Atomip nukinganik atortussianik sorsunnerunngitsumut atuinermik nakkutilliineq pillugu Kalaallit Nunaannut Inatsit pillugu Siunnersummik Namminersorlutik Oqartussat akuersissuteqarnissaat Naalakkersuisut innersuussutigissavaat.